

محمد إبراهيم

ديوان
بالعامية
المصرية

لَمَّا كُنَّا...

حدوتة يجوز تتشاف تافهة... لكن معظمنا أكيد شافها

دار دُون

محمد إبراهيم: ما كنا، شعر
الطبعة العربية الأولى ديسمبر ٢٠١٦، الطبعة الثالثة ٢٠١٧
رقم الإيداع: ٢٠١٧/١٩٦٤ - الترميم الدولي: 0-072-806-977-978
جميع حقوق الطبع والنشر محفوظة للناشر
لا يجوز استخدام أو إعادة طباعة أي جزء من هذا الكتاب بأي طريقة
بدون الحصول على الموافقة الخطية من الناشر.
© دار دَوْنُ
عضو اتحاد الناشرين المصريين.
القاهرة مصر

Mob +2 01020220053
info@dardawen.com
www.Dardawen.com

لتحميل مزيد من الكتب الحصرية
زور موقع فور ريد
www.4read.net



محمد إبراهيم

لَمَّا كُنَّا
شِعْر

دَوْن

للنشر و التوزيع

إهداء

لأول عشرين سنة في عمري.

اللي خلصوا من سنين ورافضين يتخلوا عني.

لأول ضعف, أول حزن, أول وهم, وأول اندهاش.

للسنين الياي شكلتني ولما عدت اكتشفت انها عدت جوايا, مش
عدت وسابتني.

إهداء للعمر اللي رسمته بطريقتي ورسمني بطريقته .. ونتج عن
شوية الشخايبط دول بني آدم شيهي جداً لدرجة التطابق وعكسي
جداً لدرجة الاستغراب.

محمد إبراهيم

إهداء إلى
«آية عماد الدين فؤاد»
أمي وحببتي وصاحبتي وبنتي
أو بين قوسين «إنتي»

الحب رزق.. والبُعد رزق
والحُزن رزق.. والحُزن رزق
وأهي ترتيبات..
وحاجات بتبيجي مكان حاجات..
الرزق واحد باختلاف التقسيمات
ولا شيء هتفضل يوم معاه
ولا شيء هيفضل يوم معاك
نعمة ورضا.. على طول كده
تنقص هنا.. وتزيد هناك

(I)

تزوير في مشاعر رسمية

تزوير في مشاعر رسمية

هدأ من فين
وانا كَلِّ مكان رُحته معاها
ساب ذكري وجرح وبصمة صوت
تفاصيل من كُتِر ما عشناه
قتلتنا ورفضت هيَّ تموت
كان موتها أكيد بالنسبالي
كان موتي عشان ما عرفتش أعيش
وحبست كتير نَفْسي فدائرة
مالك؟! ومفيش!
زعلان والبُعد سبب زعلي
مستني تحنّ وترجعلي
رجعت؟!..
لأ بس استنيتها
وفضلت كتير أوي مستني

بصيت ف الآخر ولقيتها
مرتاحة وعائشة بعيد عني
حدوتة يجوز تتشاف تافهة
لكن معظمنا أكيد شافها
بين بنت وواد وفراق متعاد
بين أي اتنين حَبّوا وسابوا
وده برضو فراق يعني اسمه فراق
مهها هتتغير أسبابه

أنا كنت معاها سراب إنسان
ومشيت علشان رسمتلي الخط
وكأني بقيت لعبة فأيدها
وكان دوري ان انا أتشال وأتحط
أصحابي قالولي انت بتغرق
قولتلهم بغرق إيه ده الشط.
ولقيت الشط ده مش أكثر
من موج وصلني لدوامه
كات أول مرة أحب بجذ
والحب يسيب فيًا علامة

فُقت من الصدمة بقيت بارد
أبرد إنسان فدنيا دي
لا انا عارف أزعل ولا أفرح
بقي كُلي بيحصل عادي

بعدها بمفيش جت غيرها عشان
تاخذ جوايا مكان جايز
مين عارف بكرة هيحصل إيه
ف الوقت ده كنت أكيد عايز
حد أركن حيطه حُزني عليه
وركنت وعشت بروح بايشة
كات هي كمان راضية وعاشة
وبجد بجد ما حبيتهاش
جايز حبيت حُبها لياً
وأكيد كان كُلي بيتعاش
«تزویر في مشاعر رسمية»
كان كُلي كلامي الي بيتقال
متقال عشان تطيب خاطر
كداب شاطر

أقنعها إنها كُلُّ حياتهِ
مع إنه أناني بيتسلى
مشكلتي اتحلّت لأ بالعكس
الطين عمّال بيزيد بلّة
عائش وبكّمّل حدوتة
أنا عارف إيه هو آخرها
وهقضي معاها يومين حلوين
بعديها هدور على غيرها

بنكسر بعض ف نخسر بعض
ونمشي ف ناحيتين ونضيع
طرف شاري طرف بيبيع
طرف عايز
طرف متعااز
حجر وإزاز
وخبطة بجد
ومن إمتى حقيقي بجد
من إمتى بنعرف ننسى حد بحد
أنا اللي اختارت نفسي كثير

وكنت أناني ما اهتتمش
أنا اللي اتحب وماحبش
وحبيت بس ما اتحبتش
رهان خسران ودور داير
خسايير بين هنا وهناك
دفعت مشاعري ف الآخر
رسوم وضرية استهلاك
كسرت فلانة وانا فاكر
بإني من العقاب هفليت
نسيت إن الحياة دايرة
علينا كلنا اتقفلت
نسيت إن الزمن قلاب
وإن الدنيا مش هتدوم
وكشف المجر وحين هيضم
اسمي وصورتي للألبوم
وآديني لو حدي دلوقتي
يبص ف ساعتني وأأمل
وشوش كل اللي حبيتهم
صور.. عناوين

فُراق وحنين
ورحلة كنزها فيها
بتتألم وتتعلم
ونتأقلم ونتبارد
في قاعده ثابتة ف الدنيا
قالتلك كُـلّ شيء وارد

كُـلّها أحداث وبتتكرر
حصلتلي وبكرة هتحصلك
داين ومدين
بنحب ف ناس
بيحبوا ف ناس
بيحبوا أساسًا ناس تانيين

لو زي ما بتقول: حبيتها

لو زي ما بتقول حبيتها
حسستها انك تنفع بيتهها
الحب ده كلمة بدرجة «عقد»
محتاجه لـ راجل يثبتها..
البنيت دي كائن مش مفهوم
وكأنك بتلف متاهة
محتاجه لصاحب يبقى حبيب
وحبيب يعرف يتبناها

مش شرط يكون فارس أحلام
ولا حتى أمير بحصان طائر
ولا شخص يشوف فيها الطفلة
المجنونة الهبلية ام ضفاير
محتاجه لشخص يطلعها..

من ضلّمة خوفها لأيّ نهار..
البنّت بجهد أما بتختار..
بتدور على شخص يصونها..
على آخر واحد ف العالم
ممكن يتجرأ ويخونها..
على واحد من طينها ولونها..
يفهمها بدون ما تقول ف كلام
يبهتوا على بعض مع الأيام
فتحس إن الاتنين واحد..
شكلاً موضوعاً إحساساً
البنّت دي محتاجة أساساً
للشخص اللي يكون دكتورها
ويرجع ضحككتها ونورها..
ويهاود وقت ما بتعانده..
ويحاول يسمع ويفوت
فتفتح وكأنها وردة
وتحس انها فجأة احلوت..

لو فعلاً حَيِّتْهَا نَاقِشْهَا..
وإن زَعَلْتِ مِنْكَ فَرَفِشْهَا
حَبِّهَا بِطَرِيقَةِ تَعِيشْهَا..
وبلاش الحب اللي يموت!

الليل مقوي بشكل عام
للذاكرة

وكأنه عدسة مكبرة

بتدوس على الأوجاع

فتلاقي نفسك فجأة

فكرت فحاجات

بتجيب حاجات..

بتجيب حاجات

الليل

بيقطع تذكرة لقطر اللي فات

وانت الغريب..

قاعد لوحدك تنتظر كل اللي غاب

« الليل جميل

لكن لكل اثنين سوا»

لكن لُكِّلَ المشتاقين
يبقى «اكتئاب»
أزمة حنين ماهاش علاج
وتهعمل إيه ف الاحتياج
وانت الوحيد..
ولا لاقى حُضن يجمعك
ولا لاقى إيد
ولا لاقى فائدة من السهر والانتظار
هذا ملخّص كُّلّ ليلة
لحد ما يبانلك نهار

لآخر يوم

أحب الصبح اللي يخليك
عامل عوالين حبها «دايرة»
وراسمها قلوب
أحب الصبح ان انت تدوب..
وكإنك سُكَّر قهوتها..
تبقى انت مُسبَّب سعادتها
وإن خافت تبقى انت أمانها
تبقى انت الحُضن اللي يلملم
كُلّ اللي اتكسّر جواها
ويرجع ضحككتها مكانها
أحب الصبح انك تدي..
من غير ما تعوز تاخذ منها
على قدّ اللي انت بتديه

من غير ما تكون عارف أصلاً
بتحب ازاي ولإمتى وليه؟!
الحب الصبح بيان أثره
على كُّلّ الناس اللي اتكسروا
على كُّلّ اللي الماضي وَجَعَهُمْ
والحُبّ الأول ودّعهم
فاتصابوا بفوييا من الأحضان
ومن السلامات..
ومن الساعة..
الحب الصبح بيان أثره
على كُّلّ الناس المتباعدة
على كُّلّ الناس اللي اتسابوا
من غير تبرير
على كُّلّ الناس اللي اتغابوا
واستنوا كثير
الحب الصبح مالوش تفسير
وللايه أسباب واضحة أشرحها
غير إنك بتحس مشاعرك

رجعت من تاني لمطرحها
وتحس انك مكنتني جدًا
مرتاح.. مطمّن.. مش مهموم
الحُب الصبح اللي بيفضل
من أول لحظة لآخر يوم

كان يا ما كان

قابلتك كنت «قلب أبيض»
وعيل «خام»
وكانت كُل حاجة تمام
قابلتك والحياة أهدا..
بدون لا خناق ولا مناهدة
ولا تنهيد
ولا أوجاع
ولا زحمة لُقا ووداع
ولا بَسَاب بدون أسباب
وينشف عمري عـ الأبواب..
وإيدي تدوب من التخييط
سناريو حياتي من قبلك
ماكانش سعيد أوي لكن..
سناريو بسيط

مجرد شخص .. بتقابليه
كثير جدااااا لكن عمرك ما حسيتي
إنه فيه لمعة
مجرد شخص بتقابليه
يوماتي علي الله ف الجامعة
و ف الشارع ..
وتحت البيت
بدون مواعيد
مجرد شخص يومياً ..
تقابليه صدفة ف المترو ..
تبصيله .. يبص بعيد
مجرد شخص مش عارف
بان الناس بتتظمن بمسكة إيد
ما جربتش .. ما قربتش ..
ومهما أتشد بسحب نفسي
وأرجع من وانا ع البر
وجيتي حياتي بالصدفة
« كأنك دعوة المضطر »
وربك يستجيب ليها

ويكبر ليكي شيء فياً..
وألاقي نفسي بضحكك
إذا بصيتي فد عنياً
وألاقي قلبي بعد ما كان
أداة بتضخ فياً الدم
بدأ يهتم..

وأول تجربة دايماً..
يبقى بشكل عشوائي
كأنك فد استغاية
تدور بس مش لاقى
وتخضن فد الهوا وتروح
ورا النداهة وتسلم..
تتهته لما تتكلم..
وتتلخبط لو اتكلمت..
تحس برعشة
لو سلّمت..
تحس بسحر ليه شغفه
وليه خوفه..

لأن الحب لو فَتَحْنَا مانشو فهو ش

ولو غَمَّضْنَا بنشوفه

كأنك تلج كان نفسه

لنور الشمس يتعرَّض ..

تسيب نَفْسُك ..

ف لحظة م السقوط الحُرُّ

وتتجرد

من المعايير .. وم الحسابات

و هذي المرحلة يطلق عليها

«روعة البدايات»

يعدِّي الوقت ..

وأه م الوقت لو عدَّى

ونوصل للي نوصَّله

بتخلص روعة البدايات

وهو وهي يملّوا

ويصبح كُُلُّ شيء عادي

ومتكرر

صباح الخير .. صباح النور

هتاكل إيه؟! هتلبس إيه؟
بلاش تلبس ثقيل الجوهيحرر
هتخرج ولا هتقضي الحياة بتنام؟!
كأن فيه حد داس Replay
على الأيام..

بحبك.. لا أنا أكثر
بحبك.. وانا زيك كمان برضه
بحبك.. صمت تام جدًا
بحبك.. هي بتعارضه
وبتقولّه كفاية لحد هذا الحد
لأن اللعبة قلبت جد..
مكانش فـ باله إن الحظ هيخونه
وإنه هيسحب الشايب
وتمشي وهو متعلق!
وماسك خيط أمل دايب

أمل دايب

مجرد خيط أمل دايب ..
ف وسط خيوط كثير دايبه
طرف حاضر ..
طرف غايب ..
وإيد ماسكة وإيد سايبه
حنين زايد .. وخوف أكبر
ورغبة مُلحة في التفكير
« يقولوا الرب ف التدبير »
وأقول يارب دبرني
مرور الوقت كبرني
وحولني لأغنية
حياتي ملة وعادية
يقولوا الناس مسير غيرها
تغير فيك .. وأقول محتاج لها هي

أنا جاني ومجنني عليه
وصاحب حق وضحية
زوايا البيت علياً تضيق
وكُلّ ما بمشي أي طريق
بحس بشيء وينقص شيء
ماعادش فاضلي شيء فيا
بفكر فيكي يومياً..
كأنك ورد..

كأنك جزء تفصيلي
كأنك حالة بتجيلي
ونوبة حزن بدخل فيها
قبل ما أنام
ماليش أحلام..
ماليش طاقة اني أحب جديد
وأقابل حدم الأول
وأعيد حكاياتي بالترتيب
ونلعب تاني سيب وانا سيب
وأسيب نفسي لنفسي الدائرة
وأتحول.. لترس فساعة

مش بتدور

«أنا ملّيت أكون كومبارس

وجّه الوقت إني آخذ دور»

وأغيّر حاجة جوّة النصّ

بلاش مشهد رجوعنا لبعضنا

يتقصص..

بلاش تبقى النهاية حزينة للغاية

ياستي اعتبري ان احنا

فد فيلم قديم..

هيخلص بالجواز برضه

وتتر نهاية فيه زفة

تعالى نوجه الدفة

لبر بعيد عن الأزمة

«لأني مصاب بمتلازمة»

ماليش ف الطبّ أي علاج

لأن الشرخ من جوّة

بواجه كلّ شيء وحدي

وانا ولا حول ولا قوة

وحيلي اتهدّ مع ذلك

بقاوح والنَّفس مقطوع
يا إما رجوع.. يا إما رجوع
مفیش أي اختیار تانی
لأنك لسه وحشانی
ولسه فـ قلبي ليكي كتير
وعمر انا وانتی هنعيشه
بـ راحتہ وقسوتہ وطيشه
بـكُل ما فيه..



تعالی انا وانتی نتحمل
ونرجع للطریق نمشيه
ده انا فـ بعدك بواقی
فاضلة من إنسان..
مالوش إنسانة تكمل بيه
بحبک لسه والله ومش عارف
بحبک ليه
فبدخُل كُـل يوم سنیا
وبقطع برضه تذکرتین
كأنك لسه بتشارکینی نَفْس الفیلم
وبركب كُـل يوم مترو

وبقطع برضه تذكرتين
كأنك لسه بتقاسميني سِكة وحلم
أنا ما طلبتس أرجعلك
لكني بفكرك للعلم
ده حتى نهايتي وياكي
أنا ماقدرتش أعلنها
كأنك إيد بتوجعني
ومسكتني الحياة منها

الدنيا بسيطة وكُلّه تمام
طول ما انت بتعرف عادي تنام
طول ما انت بتعرف
تحكي خد
طول ما انت بتعرف
تبكي بجد
من غير تمثيل
من غير ما تركّز فـ التفاصيل
طول ما انت بتعرف تتجاوز
«مرحلة الليل»
أنا كنت زمان زيك ساكت
يتقال مالك
وانا مش قايل
وبنام زعلان

وبقوم شاييل
وبخُش فـمِيت ألف متاهة
وشوية شوية بقيت بارد
وبشوف العالم بتفاهة
وبقيت فـ الآخر متأكد
إن التافه
لو كان فرحان
أحسن من عاقل متنكد

صاحب جدع

البحر صاحب جدع..
بس انت مش صاحبه
والقلب ضرب الودع..
موج الحنين سحبته
سلمت للتيار..
سلم علياً الموج
بصيت عشان أختار..
ما فهمتش الكتالوج
بتحبها ولا؟!..
عايش بتسلى
وأزاي ساعات نقبل
عن بعض نتخلي
البننت زي البحر..
جدعة وكات حباًك

حفر الفراق اسمها..
على درفة الشباك
مين اللي باقي معاك؟!..
هيّ ومش هيّ
قلبك رمتيه هناك..
وكتبت أغنية
بتحبها وأظن..
إن اللي رسمه البن
وقريته ف الفنجان..
سكة سفر هتطول
بتحبها؟!..! طب قول !!
خايف تقرب تتسلع..
قرب هتتدفي
الدنيا أوقات تتعدل..
لو مالت الكفة
غمض عينك واسرح..
إمشي على الحافة
جايز تكون الحياة
إنك تموت مقتول

سنة على سنة

ما بقتش شايف حاجة حواليا
مع إن نظري سته علي سته
مبقتش ماسك غيري فـ إيديا
وكأني بنقص كُـلّ يوم حتة
وكاني طيف أو ضيف
أو نسخة من واحد
يشبهني جداً بس ما أشبهلوش
تعرف فلان أعرفه؟!
سابق؟! .. ما تعرفهوش
الدنيا شارع والصدف فتارين
وانا ماشي وحدي ببصّر عـ الماشيين
وماليش صديق وماليش طريق
وماليش ..
غير إني عايش بس نفسي أعيش

الوقت فطَّر ركبته ماركبتوش
هيفوت وياخذ كُّلَّ شيء بشويش
وانا خدت من كُّلِّ اللي فات تذكّار
وقدَّرْنَا حط العقدة ف المنشار
كُّلِّ الحاجات بتروح عشان تيجي
إلا اللي فات بيروح عشان مايجيش!

تنهيدة بطول الوقت وخوف..
وكلام وعيون
فـ عيون بتعيش..
وحوارنا عشان متعاد
معروف..
راح أقول مالك وتقولي مفيش..
أنا فاشل جداً أحياناً..
أمتص الصدمة وأهديكي..
العيب مش فياً
ومش فيكي..
انا وانتي عشان بينا تشابه..
مد الصعب نقرب بزيادة..
وأما البدايات تتعاد لازم..
نهاياتها تكون كده متعادة..

وانا وانتي عشان قَرَبنا أوي..
كان لازم
نبعد قَدَّ القُرب..
وأهو بعد ما كُنَّا ف يوم واحد..
أصبحنا خلاص
عن بعضنا عُرب..
أنا آسف جدًا أنا ماشي..
مكسورة ومكسور وحكاية..
شافت نفسها فيًّا ف خافت..
كسرتني عشان
كنت مرآية..

حتى لو مش حابة تتحبي

بحبك

حتى لو مش حابة تتحبي..

بحبك

حتى لو حابة وبتحبي

بحبك بس..

بحبك حُب لا بيتقال

ولا بيتحس

ما يتصنفش غير على إنه

حُب غريب..

حُب غياب..

بدايته فراق وآخره فراق

وبين الاتنين وجع ودموع

وحزن، وكبت واستغراب..

بحبك

حتى لو مش عايزة تعوزيني

بحبك

حتى لو عايزانا نبقى صحاب

حُب الحياة

الخوف

طريق الموجهين من كُل شيء

الخوف طريق اللا طريق

كُلّ اما تمشي بيسحبك

عفريت كآبة ببركبك

ويخوفك ويكتفك.

فتلاقي نفسك في النهاية بقيت شبح

صوت اتبجح ..

مش لاقى حد بيسمعك ..

والصبر أو شك عد النفاذ

حركة شفايفك مبنيمة

و كأن بينكم لوح إزاز

الخوف شيطان أوقات كثير

يظهر على صورة ملاذ

فتلاقي نفسك قولك
من خاف سيلم
وتلاقي نفسك في النهاية بتظلم
عمال بتهرب من المواجهة
عن اقتناع
وتلاقي أسهل حاجة
لحظات الوداع
ومفیش نهاية محددة لأي اتجاه
ومفیش لقلبك
غير بروده أو بكاه
هتخاف
هتفضل ضیل ضیل هویته
خدت المجازفة ساعتها
هتحب الحياة

لو فيكي نفس

اتسندي علياً المرة دي .
يبلاش لو جب سيرة المناخي
ننكر الوقت اللي وجمعنا ..
خلينا نفكر دلوقتي
«إزاي ربنا هيجمعنا»
وازاي هنعرض كل دموع
نزلت على شيء ما هوش داعي
وازاي هتعودي في يوم سني
وتنامي الليلة على دراعي
أنا ف عنيك عشرين قلطان
وأتمشي ف حضنك وانا بردان
فأرجع دفيان شبعان راحة ..
أنا لسه بحبك بصر احة
وإن كنت كابت وقلب معيش

فدانا بعرف أعيش من غيرك آه
لكن انا عايز أعيش ليكي
وأتحور طفل بيتشعبط
من كثر الخوف جامد فيكي
ويسيلك راسه على إيديكي
وينام وينام وينام وينام
ويقوم وكأنه يادوب مولود
يا حبيبتي أنا لسه جناح مفروود
خينا نصير من هنا دلوقت..
خينا نسيب الناس والوقت
ونروح أنا وانتي مكان فاضي
بفكي نفس سحبي انا وانتي
اتسندني عنيًا المدة دي !

كأنه حجاب ومعدوني

كنت كحي
كلامك وبتسي
بجيت حُجْب
كأنه حجاب ومعدوني
فبكتب شعور به الفصحى
بفرحة ظفر في الشمسحة
وفرحة ذنب بالخفران
وعابد بعد ما يصلي
عشان القلب كان نادر
محبة لقلبك النادر
هويت والقلب وقى الندر
وقمت كثير أصلي الفجر
و أدعي بحرقه ليلة القدر
عشان الباب ما بيننا يزول

وينزل دمعي مني نزول
وتغرق في الدموع كفي
ولا شافع ولا مكفي
وأندعوه عن الدعوة
وأدعي كثير وأبقى حوح
وقلبي يقول ماليش دعوة
عائزها يرب لو بجروح
عائزها تيجي بالدمعة
وبالأوحاح وبالآهة
ودعوة فيها بتوسل
بآل البيت وجاهه
مهني السهلة دي لو جاتني
أكيد بالنسهل يه م هتروح
فيه دايمًا ما بينا بعاد
وليه الوقت يرمينا
لآخر بعد في الأبعاد
وأستناكي يوم تيجي
وما تجيش برضو أي معاد
ونيه نوكتنا من العشاق

ده يحصلك ويحصلني

ده انا عاشق

كتبت وراكي بالملي

كلامك وانتي بتملي


بحبك حُب متحبك

كأنه حجاب ومعمولي

بحطة إيدك

أنا لسه بحطّة إيدك..
زي ما سبتيني هناك
لا انا طاييل سم، ولا أرض
الدينا فبُعدك برّد..
والبرد واخذني فسكة
بتوّدي ما بترجعش
أنا جايز ما بدمعش
وببان على عكس ما انا
لكن والله أنا بكبر
يومياً ألف سنة
شايل أحزان الدنيا
على كتفي وماشي وحيد
بضحك وبكابر لكن..
مليان بؤس وتجاويد

أنا ناقص حضم وإيد
وطريق و حياة وياكي
لا أنا عارف أعيش من غيرك
ولا عارف حتى أنساكي
هو انتي خلاص سبتيني!؟
يعني أمشي خلاص وأسيبك
و كأني لا كنت حياتك
و كأني لا كنت حبيبك!؟
لو سهل عليكى بعادي
فبعادك صعب علياً
وانا هفضل مستنيكي
لو حتى خلاص مش جاية



(٢)

مجرد فيلم عربي

—

—

عَيْلٌ صَغِيرٌ ..
عَيْنُهُ بَصَّتْ عَ السَّمَاءِ
بَصَّ لِرِسَالِ رَبِّنَا
وَمَا عَرَفْنَا يَقْرَأُ التَّرْجُمَةَ
عَيْلٌ صَغِيرٌ إِنَّمَا
كَانَ عِنْدَهُ حَلْمٌ
دَخَلَ فِيهَا الْحَيَاةَ وَمَلَأَهُ
«خَرَجَ مِنَ الْفِيْلِمِ»



مكانتش قُطة مغمضة

لحد الآن..

بجيب سيرتك إذا اتكلمت

عن أوجاع..

وأشوف صورتك

إذا ودّعت أي وداع

لحد الآن..

مصمم إني أتمادى

وأدمتتك كما العادة

وخذت الجرعة بزيادة

بكلّ بساطة واستمتاع..

لحد الآن مصمم إني أتغابي

وأصدق واحدة كدابة

وأجمل كدها ف عيني

لعبتي معايا «سيب وانا سيب»

ماسبتش وانتي سبتيني

أنا الطيب ..

أنا اللي إدالك الفرصة

وسلم إيدك المفاتيح

وقلت اتفضلي «بتك»

معاضي أنا « كنت قشة فريح»

بجد بجد حببتك ..

وشفتك طفلة لا تخوف ولا تقلق

بخش الفخ بالتدريج وبتعلق

مغتمني عنيا قال بلعب

وجيت أحضن حضنت هوا

قالوا زمان كثير حاسب

ده بيم ..

أنا قلت لأ ده دوا

أكيد انتوا اللي مش فاهمين

شربت السم وانا بضحك

ومت حزين ..

ماكنش ف بالي إن: «براءة الأطفال»
طبيعة الوقت غيرها
وإن الطفلة لو زهقت
ف يوم من لعبة تكسرها
مكانش ف بالي إن القطة هتفتح
و هتخربش و هتعوّر
مكنتش فعلاً أتصور
بإني ف لحظة هخسرها
لأول مرة هعلنها..
أنا قلبي بريء منها
ماحييتهاش..
وماعرفهاش..
فاكرها طشاش
« مجرد اسم »
مجرد شكل و ش و جسم
لا روح ولا قلب ولا إحساس
مجرد كاس..
شربته و فقت متأخر
مجرد حلم و اتبخر

لقيته «سراب»
لا حلمي بحُبِّها التحقق
ولا حتى رجعنا اصحاب
وقفنا فدُئِص علاقتنا
فد مشهد صمت تراجيدي
«إيديها خارجة من إيدي..»
وروحي بتتسحب بشوئش
كأني بموت.. كأني بعئش
غريبة اللحظة والأغرب
بإني ضحكت..
مش عارف ضحكت إزاي
وبضحك لئه
كأن فراقنا كان «إفئه»
ووسط ما هئ
منسجمة
وهئ البطة والنجمة
لقت كو مبارس ما اتكلمش
بئاخد منها السوكسئه!
نهاة سعئدة مرضئة

أنا كنت بضحك وقتها

يمكن عشان

شايف حياتي بتتهدم

يمكن عشان

من كتر ما اتوقعت

اني هتجرح..

ف على اما جه وقت الفراق

الجرح أصلاً كان قديم

يمكن عشان مـ الصعب إني أتهدم

ماهو مش هيبجي مهما جاني أعز

يمكن عشان واقفين

ف نـص قرار مصيري

بنتفق

تقتلني لكن.. قتل سهل

مش عايز أحس بإنها متعمدة

كومبارس آه

لكن أكيد

من حقي

أختار موتة أشيك من كده !

من حقي أموت مبسوط..
من حقي بعد ما اموت..
ألقي فد جنازتي صحاب قدام
أو بنت كات بتحبني وانا كنت لأ، ما بحبهاش
ف اخترتك انتي وسبتها..
من حقي أحس شوية إني بقيت بطل
لو حتى دوري كان انتهى!

نصيب

مِسْكِنَا فَنَاسٍ .. وَنَاسٍ سَابَتِ
وَنَاسٍ فَضَلَّتْ وَنَاسٍ غَابَتِ ..
وَنَاسٍ مِنْ حُبِّهَا اتَّغَابَتِ ..
وَفَضَلَّتْ عَايِشَةً عَدَ الْمَاضِي
وَنَاسٍ حَبَّتْنَا مَا اتَّحَبَّتْش ..
فَدَلَفُوا قُلُوبَنَا عَدَ الْفَاضِي
مَحْدَشٍ فِينَا كَانَ فَاهِمٍ
بِإِنِ الْعَمْرُ لَمَّا يَفُوتِ ..
وَيَجِي الْوَقْتُ وَنَسِيْبُ بَعْضِ
مَحْدَشٍ مَنَا هِيْمُوتِ ..
لَأَنَّ الدُّنْيَا مَشْ وَأَقْفَةٌ
عَلَى النَّاسِ الَّتِي نَاوِيَةٌ تَسِيْبُ
دِي حِكْمَةٌ رَبَّنَا فِيهَا ..
وَفِعْلًا كُلُّ حَاجَةٍ نَصِيْبُ !!

الساعة لو استنيت بتفوت
أكثر بكثير من مقدارها
والحاجة لو اتمنيت تفضل
ويآك بالوقت هتخسرها
الدنيا عجيبة وأسرارها
بتبان لكن لآي يدقق
فيه ناس بتعيش ف كابوس مزمن
فيه ناس أحلامها بتتحقق
والعقل الباطن متحكم
لو عايز تتأكد جرّب
لو عايز شيء يبعد قرّب
لو عايز شيء يفضل سيبه
الحظ هيلعب ألعبيه
وتلاقي الحاجة بتجري وراك
وكانها تاهت ولقيتها
فاتمنى الساعة تفوت
هتفوت
أبطأ بكثير من توقيتها !

جايين الدنيا نلف

حييتك أكثر ما اللازم..
أو يمكن كان لازم أحبك
علشان أتعلم أتكلم..
وأشارك حد فد تفاصيلي
أحكيلك همي وتحكيلي
وارتاحلك وافتحلك بابي
تبقي انتي أعز من صحابي
وحييتي وبيتي اللي ف بيتي
حييتك قد ما حييتي..
أو يمكن أكثر بكتير
ولإنك أصلاً مجنوننة
كان قلبك زي البلونة
لو سبته «يطير»!

موجود ف حياتك بمزاجك
بتغيبي ف وقت ما بحتاجك
ف وقت ما تحتاجي وجودي
تلاقيني ف ضهرك وف إيدك
كنتي انتي الغلطة اللي انا دايماً
ما بصلحكيش كنت بعيدك
مستسلم جداً لمشاعري ..
مستمتع جداً وانا بتذل
كان كُـل ما حبي يزيد ليكي
بلاقيكي كإنك حبك قَلَّ
انا هعرف أفوق من أوجاعي
لو حُـبك راح يلوي دراعي
يبقى الموضوع ده مالوش داعي
والبعد هيفضل أفضل حل !!

كُـل اللي ف إيدك هتسيبه
بسبب وساعات من غير أسباب
الرايح رايح لنصيه
والجاي بيعجي عشان يتساب

حتى الي مقرب دلوقتي
هيقرب فترة ويتبخّر
أما الي بيبعد ف هيندم
وهيعرف قيمتك متأخر
وهتعرف قيمة ناس. برضه
ماهو لا انت ملاك ولا همّا كمان
كُلّنا جايين الدنيا عشان
نتساب ونسيب
ونخاف ونخف
كُلّنا جايين الدنيا نلف

أنا بنته

أنا بنته
أنا اللي بنظرة طمّنته
ولو يقبل هكون بيته
ولو يدبل فانا جنيّته
أنا اللي ان شافني يرجع طفل
ويشبط فيّا مايسبنيش
يغير يقفل عليّا ب قفل
عشان الناس دي ماتشوفنيش
لأول مرة أبطلّ عند..
وأسيب نفسي شرّاع لهواه
وأحس بإني خايفة عليه
كإني مخلّفاه ونسياه
بيتعبني وبيسيني
و يرجع أحنله وأناديه

بعامله بجد زي ابني
وعمري ما بعرف أفسى عليه
وهي الأم لو تقسى فـ يوم
عـ الابن تعمل إيه؟!
آخرها تخاصمه يوم واحد
يعدي اليوم وترجعه
لأن زعلها لو هيهون
عليه ما يهون لهاش زعله
أناني وهي مش قادرة
تصلح فيه ولا تسيبه
وغصبًا عن عيون روحها
بقت قابلاه على عيبه
بقت شايقة الحياة بعنيه
وواقفة وراه وساندة عليه
ولو سألوها عاجبك ليه؟!
تقول «هو انتوا مالكو انتوا»
وإيه بس اللي دخلكم
ما بين واحد وبين بنته!

أنا طفلك

أنا طفلك ..
ساعات عِنْدِي
ساعات نِكَدِي
ساعات قَمَاص ..
ساعات بزعل كده وخلاص
و قلبي «كتوم» ..
مايفضفضش بسهولة
وحُبك دايرة مقفولة
دخلت برجلي مش مجبر
ولا مغصوب ..
كأني بتوب ..
كأنك « ركعتين فالفجر »
جدار روعي أراد ينقض
فأقميته ..

بدون أي التفات للأجر
لقيتك يومها مش طالبة
سوى .. إني أكونك «بيت»
أكونك «أب»
لقيت ف عنيك شي ء
بيقول
«بحبه يا رب»
لقيت ف عنيك شي ء
بيقولي «أنا عايزاك»
وهتمّل ..
وهنكّمّل
ف ماتسبّيش
وعيشلي هعيش
لقيتني ساعتها
مش خايف ..
ومش مهزوز
ومش قلقان
و بّني ف عقل باني
حياة ..

وبزرع حلم فد عنيكي ..

فيطرح

ضحكة ف شفايفك

لقتيني ساعتها

متطمّن عشان شايفك

لقتيني ساعتها

بحلفلك ..

أكون بيتك

وأكون طفلك

علشان فتحت

معلش ان كنت بقيت ساكت ..

هتكلّم ليه؟! ..

مين فيكم كان موجود جنبى

وسندت عليه؟!!

مين فيكم كان بيمدّ إيديه ..

لإيدىا عشان نفسه يساعده ..

ده انا كُّلّ اللي احتاجته معايا

شاف إني احتاجته فقام باعد

ماسمعتش منكم غير معلش

ومحدش فيكوا اذاني حلول

معلش إن كنت بقيت ساكت ..

أصلي هزعلكم لما هقول

بتكلّم جد ..

مش عارف أطيب خاطر حد

ولا عارف أراضى اللي بيزعل
ولا عارف أعرف ناس تانيين:..
« مابقتش بَحِبِ البني آدمين »
أو يعني بقيت خايف منهم..
أو عايش مش مرتاح بينهم
أو جايز حبّيت الوحدة..
يمكن علشان ف البُعد ارتاحت..
أو يمكن كنت زمان أعمى..
وكرهت الناس علشان فتحت !

حببتي فلانة

حببتي فلانه ولا بلاش
هقولك ليه كلام اتعاد؟!
لا هيقدّم ولا يأخر
أنا قدري أشوف الشيء وأتمناه
وأقرب منه يتبخّر
أنا وانتى حنين سابق..
«غرام ممنوع»
دموع دايمًا وراها دموع
أغاني كُلهَا تفاصيل..
أماني كُلهَا.. أوهام
بفكر فيكي بعد ما أقوم
وأفكر فيكي قبل ما انام
عبيط.. ساذج.. غريب
القلب مش فاهم..

بإن الحلو ما بيكملش
فبتعشم وبتمنى
وحيد نخايف ..
قليل البخت ..
دخلت الجنة يوم واحد
وبعده خرجت من الجنة!
عيونك دول سبع سموات
وحضنك ده السما التامنة!
ياريتك ترجعي مآمنة
بإني لسه فيا رجا
وقابل لسه للإصلاح
بلاش تجمعنا خانة «راح»
عشان كل الحاجات بتروح
سيبلي أي باب مفتوح ..
لعله يكون سبب ل معاد
حببتي فلانة ولا بلاش؟!
ده لو زاد الكلام يتعاد !!

كلنا عايشين في رحلة

الطمع يشبه له شط
عالم المدى وانت الغريق
والقدر بيشد خط
وكُلنا ف نفس الطريق
الحياة ف الأصل فرصة
والسباق ملبان مهازل
والرهان يشبه لبورصة
سهم طالع سهم نازل
واحنا بنلف الدواير
لما روحنا بتتنحل
كاس هيفضل بيتا داير
واحنا دايرين نتسحل
والطريق عمال يضيق
واحنا بنموت بالبطنيء

كُلُّ ما بنحلم بشيء
كُلُّ ما نحس إنه ضاع
كُلُّنا عايشين ف رحلة
سعي قدر المستطاع
والرضا أصل المعادل
هوَّ ده المفتاح بتاعها
الحياة إجباري واحنا
برضو ما بنلويش دراعها
وكُلُّه ف الآخر بياخد
قدِّ بعضه مفيش زيادة
عمر متعاش مرة واحدة
ولقطة واحدة بدون عبادة
والحياة دي ماتساويش
فارضى بالمقسوم وعيش
حتى لو فيه أو مفيش
دي الدروس الاستفادة
«الطمع بيذل صاحبه»
والرضا أجمل عبادة

خواف

أنا الطيب ..
أنا اللي ف عز لَمَّتكم
بعيد رغم إن انا قريب
وبسحب كرسي وأتفرج
شبح بلياتشو بيهرج
زمان قلبي اللي دخّل ناس
خلاص دلوقتي بيخرّج
فهمت بإنكم ماسكات
وشوش بتخبي سوء نية
وإن الناس بطبيعتها
بتتصرف بأنانية
وطول الوقت انا بنداس
بدون رحمة وبلا إحساس
بقول المشكلة ف الناس

«أتاري المشكلة فيًا»

ولوع الحب ؛

مش فارس

ولا سيَّاف

أنا زَيْك كده خوفاً..

بخاف مـ القرب لو زايد..

وأخاف مـ البُعد لو طوّل

بشوفك قبِلتسي لكن

ساعات القِبلة تتحول

واصلِّي بعيد..

كأني زاهد الإحساس

ماليش فـ الناس..

ماليش غيري..

ماليش غير لمعة بتبان

جوا عيني ساعات

إذا كنتي فـ تفكيرِي

بحبك بس لو عندك

إيمان بيا..

إيمان إني انا المكتوب
فأوراقك بقلممي الجاف
بحبِّك بس عايزك تعرفي إني
أكيد هفضل كده.. خوَّاف!

كان أصلاً موجود قدامك

العقل البشري بطبعه غريب

يفكر ف الناس لما تغيب

ويحول كُـل كوميديا زمان

لدراما ف أول حضن وداع

شوف انت فيه كام

شيء منك ضاع

كان أصلاً موجود قُـدامك

ومكنش ف:الك ولا شاغل

حيز تفكير..

هتلاقي كتير..

شوف فيه كام بنت وكام صاحب

كانوا أقرب ليك منك لكن

مابقوش غير كام صورة وذكري

شوف مين اللي انت مكتتش يوم

تتوقع إنه يموت بكرة!
وقالولك مات وانت استغربت
القلب البشري بطبعه أغرب
وهيبعد عنك لو قرّبت
وهتفضل على طون مستغرب
من ده إلا إذا جيت انت وجرّبت
أنا صاحبك عارف إيه جواك
من غير ما تقول فاسمع
على طول مني أنا يا صديق!
علاقات الناس أصلاً مسافات
لازم تراعيها وتحسبها
قرّب بالشكل اللي يخليك
ولا تخسر حاجة ولا تسيبها
وابعد بمسافة هتضمملك
إنك تشتاق مش تنسى الشيء

* * *

مجرد فيلم عربي

دلوقتي أنسب وقت أبطل أفتك
أنا ما اعتقدش ما بينا شيء
ينفع أساسًا يتذكّر
ما اعرفش فجأة أنا جبت من فين كُـلّ ده
وبقيت كده..
جوكر بوشين مرسومين فوق بعضهم
بضحك وتحت ملاحى دمع
وكأني شمع..
تمثال وإيدك نازلة نحت
غرقان وكُـلّ ما أمدلك إيدي
إيدك بتيجي تشدني على تحت..
أنا كنت فاتح عيني ما بشوفكيش
غمّضت عيني ووقتها فتّحت

الماضي صفحة هتتقل..
وهنحتفل
وكأن جرحك ذكرى حلوة
أنا بفتكرها وبتتسم
«وكأني لسه بضحكتي ثابت»
رغم إن روحي بتتسحب بهدوء
واقف بموت رَي الشجر باصص لفوق
اتسابت؟! .. عادي كلنا بنتساب
مش فارقة مين وقت الوجع فارق
بس المهم إن الفراق حاصل
وإن احنا رغم الجرح هنواصل
وهنمشي حتى لو الطريق طول
هرجع أكيد أحسن من الأول
مايهمنيش من أي شيء عدى
إن جه ف يوم قَطر الحنين هدي
هركب لو حدي ف قطر غير قَطرك
ما بقتش عايز أعيش عشان خاطرك
نقطة بتختم جرح على سطرِك
وصفحة تانية بتبدي وتتعاش

مش كُلِّ راحِل راح زِعِلنا عليه
ولا كُلِّ حَد معانا فرَحنا
بكرة الحياة هتبدّل الأوار
من إمتى يعني فضلنا مطر حنا
وهييجي غيري ويجرحك وتقولي
ذنب فلان..

وانا بكرة أقابل وانسى واتعود
أنا بحر كُلِّ ما يفضى يتزوّد
والجزر دايماً بعده ييجي المد
وانا فياً حيل مهما الطريق اتمدّ
دايماً بكمّل مهما قلبي يشوف
ما بسبش حد وأقوله عندي ظروف
دايماً بقابل وأمشي بالمعروف
ولا عمري كنت مخطط أجرح حد

يا جرح وجعني ف اتعلمت
يا أكبر وهم صدقته
خلاص بان السراب وفهمت
بان فراقنا جه وقته

وعيب أعمل كده فنفسي
وعيب والله إني أقبل
بهذا الوضع أو بيها
وعيب أمسك فناس سايبة
« جبال دايبة » ولا بتربط
ولا بتحل
مجرد فيلم عربي مملّ
وفيه البطلة مهووسة
مريضة بإنها تجمع
قلوب الناس وترميها
بحبك لسه؟! .. لا كارهك
وعادي أكره من اللي انا شُفته
وآسيته ..
نسيته ماضيها فنيته
محدث فينا كان أحسن من الثاني
ومش عايز أكون أحسن ..
هكون أحسن فإيه أوليه
طبيعي الفرصه لو جت لي
أعاملك باللي تستاهليه

وأرد الجرح جرح ونُص

وأردلك الألم مية

لأنك كتتي أنانية..

وزمنك فات.. وعرشك

وأهي متهدد..

ساييلك جرح يشبه للأسف سرطان

تعالجيه بس يتجدد..

ساييله جرح هيشوه

ملامح سيرتك الذاتية وغرورك

ساييلك جرح زي ما سبتي جرح

لغيري من قلبي

« ده شيء والله يُحسبلي »

ونصر هضيفه لتاريخي

وهبدأ رحلتي بعدك

لا انا مستاء..

ولا مشتاق

ولا ندمان..

ولا هندم

خلاص زمن العتاب ولى

وأيام الحنين فاتت..
مجرد بنت حبيتها..
وفعالاً تعتبر ماتت..
فشكرًا تاني عـ الصدمة
عشان انا فُقت واستوعبت
كسبتك كنت بخسر نفسي يوميا
ولكن بعد ما خسرتك لقيتني كسبت

(۳)

ما تعتذریش

يا واش يا واش

بالراحة يا واش يا واش

ده انا لسه ماقولتهاش

والاستعجال بطبعه

بيضيع الاندهاش

سُكّر دايب يا سمرا

وانا مغرم بالمغامرة

وعيونك ليل وخمرة

لكن ماشربتهاش

فيه حاجات انا عايز أقولها

ونجوم كان نفسي أطولها

وليلي كثير بطولها

نايم ماسهرتهاش

وانا قلبي لأنه تاه

من قبلك فالحياة

ولا شافك طوق نجاة
ولا شاف الحب شاش
أنا آه تُهت ف جمالك
لكن لم قولتها لك
وحاولت أقولها لكن
لقتيني بقول بلاش

إيه العمل؟؟

أنا وانتي واقفين والزمن..
ماشي..
والدنيا ماشية وكُل حاجة تمام
بصحي وبنام..
لكن بحس ساعات كثير إني انطفيت..
وكأني مَيّت أو شبح..
صوتي اتنبح..
بنده مفيش إلا الصدى
أوقات بقول «متعوضة»
ويقول خلاص.. هنسى وهعيش
لكن ساعات يرجع وبشبط ف الأمل
إيه العمل!؟
وازاى وصلنا لتقطة سودا
وحيطلة سد..

إزاي بجد ؟!

إزاي قبلنا الوضع واستسلمنا ليه

وكأني كنت ف سكتك

عابر سبيل

أو شخص ما..

إزاي بقيتي مسلمة

راضية اني أضيع ..

من غير ما تبدي أي رغبة ف الرجوع

أو حتى ليها تلمّحي ..

إزاي زمان كتتي الدواء..

وإزاي بقيتي بتجرحي ..

ده انا كنت شايف نفسي أبّ ليعلين

بنت وولد..

عايشين ف بيت واحد سوا

بنزل ف نُص الليل أجيب للواد دوا

علشان سخن

راجل زمان كان سَمبتيك

بعد الجواز

اصلً يمكن أو تيجن

قاعد قصاد النشرة أشوف حال البلد
أنا كنت شايف حُبنا آه بيتتهي..
لكن مع مرور السنين
ممکن زَهَقُ.. ممکن ملل
ممکن روتين..
ممکن خناقة من الهوا
أسباب كثير ممکن تموت حبنا
إلا العناد..
بتعاندي مين؟!
أنا مش عدوك فافهمي..
إني أما بقفش أو بثور
مابكونش فعلاً ديكتاتور
ولا قصدي أفرض رأي
أو أسلوب حوار..
كُلّ الحكاية وباختصار
« أنا لسه شايفك عيلة »
وشايفني أب..
إحساسي بالخوف ناحيتك
أوقات كثيرة يأيدك..

لكن أكيد نفسي أسعدك
وبجد عايزك تفرحي..
شوفي الحياة من مطرحي..
يمكن تشوفي الفرق قبل ما نفترق..
ضيعنا وقت كتير أوي
بنلوم ف بعض ونشتكي
وعلى انا ففنا لنفسنا المركب غرق
وانا لسه مش عايز أكمل..
سكتي من غير ما تبقي شريكتي فيها
ف فكري..
وأديكي عارفة مكاني مش هتدوري..
وقت انا تصفي من اللي شايله
ارجعي .. وكفاية عند عشان خلاص
البعد شيء لا يُحتمل..
إيه العمل!؟

واحد ثاني

قلبك بالكامل مُستهلك ..
بين هيَّ وهُما وبين أهلك
هيَّ: كانت بنت بتمناك
هُما: كانوا أصحاب عايشن وياك
أهلك: قاسموك ضحكك وبُكاك
أما انت فـ كنت غريب وكئيب
ومفيش ولا حد يشبهلك

هيَّ: كانت دكتور نفساني
ومشاكلك كانت مشاكلها
موهبة إنها تعرف مالك
من قبل ما تيجي وتحكيلها

هَمًّا: كانوا دراعك وحمایتك
حافظینك صَمِّمَ وفاهیمنك
كانوا وِسْكَ لو سُفَّت مرایتك
كانوا وقت ما بتغمض عینك!
أهلك: كانوا إید ماسكة فد إیدك
سانداك ومعاك مش سایینك
ومحدث غیرهم بیفیدك
مع ذلك ماكانوش عاجبینك
أما انت فد كالعادة أناني
متممصح دور واحد تاني
عایش علشان نفسه وشایف
إن مفیش حد هیستاهله
مع إن مفیش إنسان هعیش
من غیر هیَّ وهُمَّا وأهله!

أنا مش هي

بتدور فيا عليها ساعات
وانا عارفة بإنك مانستهاش
رجال بتنسى بنات بنات..
وكأنه قدر لازم يتعاش
بين جاني وبين أي ضحية
صدقني بجد أنا مش هي
ولا هعرف أكون
« وقت اتقضى »
ف علاقة أحزان طردية
ولا هعرف أكون نسخة لواحدة
بتعوض قلبك عن وحدة
أو جرح قديم واجعك لسه
ف ارجع لو جاتي عشان تنسى
ده لأنني أكيد مش هقبل بيك

طول ما انت ماضيك لسه مطاردك
بالشكل اللي انت بتزرع بيه
« أنا وردة ماتنفعش لأرضك »
كام مرة اتلخبطت ف اسمي ..
وعملت عبيطة ومش سامعة
وكتمت بتنهيدي الدمعة
والموقف عدى وعديتها
« أنا عارفة بإنك حبيتها »
لكن من حقي عليك إنك
تضمنلي حقوقي ف إحساسك
أو قبل ما تفتح صفحتنا
تقفل صفحتها المفتوحة
أو حاول ترجعلها وخلاص
« أنا فعلاً هبقى المجروحة »
ف علاقة دخلها ثلاث أشخاص
واحد مش عارف اتنين
وتلاثة آهو واقف يتفرج
إن واحد شافنا أكيد هيقول
إننا يا بنهذي يا بنهرج

فـ كفاية مكابرة وأنانية

صدقني بجد «أنا مش هي»

يمكن بشبهها فنبرة صوت

أو نظرة عين.. أو حتى

طريقة نطق كلام

بس دي أو هام

أصل الموضوع مش شكل

وبس..

يمكن قلبك خدعك أو حس

إن أنا هنتفع.. واتنا واحد

«وان أنا بالتدريج هتحول»

من غير ما تحس بدل فاقد

« بس انا ما أنفعش ومش هنتفع»

ولا عمري هكون..

ده لأن مفيش اتنين فالكون

« بيكونوا بنفس الشخصية»

صدقني بجد أنا مش هي

كان عندي أصحاب..

إصحاب ياما

وخادتنا الدنيا لدوامة

و فد غمضة عين اتفرکشنا

كُلْنَا حواديت تنفع أفلام

وكان الأيام بتعيشنا

فتلاقي فُلان كان صاحبه فُلان

وفُلان من مُدة ما هُوش بيبان

وفُلان سافر..

وفُلان مشغول

وفلان على طول

راميين طوبته

الدنيا مجرد حقنة بنج

والكُلُّ بيدخل غيبوته
وييجري فـ سِكةَ آخرها سراب
ومسيرك تيجي فـ يوم وتقول
« كان عندي صحاب »

أصول الحزن

للحزن أصول بتقول إنك ..
من وقت طويل زعلان منك
فاقعد مع نفسك واشكيلك
وادعيلك وابقى اسأل عنك
من وقت لوقت ابقى اطمئن
على قلبك لو مر بأزمة ..
شيل منه الناس اللي باعوكوا
وخلاص مابقاش ليهم لزمة ..
وبلاش تتعلق بالجايين ..
أو حتى تحب فناس راحوا
واحكيلك كُـل اللي مضايقتك ..
واتصافوا لحد ما ترتاحوا

بني آدم على هيئة ذكرى

جُرعات التفكير الزائدة..

إحساسك إن «مفيش فايده»

والقهوة السادة المعتادة

والبنت اللي انت بتجرحها

كركبتك

كبتك

تنهيدك

و الرعشة اللي ف طراطيف إيدك

مع آخر صورة بتمسحها

كُلّها تفاصيل شرحها بيطول

باين جواك مش شرط تقول

فيه حاجات بتبان ف عينك على طول

من غير ما تحاول تشرحها

سهران بتفكر ف الماضي
محتاج تاخذ حقنة نسيان
نُص الكوباية عشان فاضي
خلّاك ماتبصش للمليان
فد بقيت هتان ..

إنسان بيّمثّل دور إنسان
مشكلتك رغم الناس حوالياك
مع ذلك على طول وحداني
بتراهن ع الناس ف بتخسر
وبتخسر

فتراهن تاني
إحساس وطلعلك بني آدم
لكنك على هيئة «ذكرى»
يومياً بيعاهد نفسه
إنه هيتغير من بكرة!

افهم علشان ترتاح يا عبيط
«كُلّه ترانزيت»
كُنّ ف حياة بعضنا فترات

ولذلك مش مستاهلة عياط
وياريت تفهم لو جيت للنور
هتقابل حد تحبه بجد
وان كنت مودّع حد عزيز
فمصير النور بيعتلك حد

كان كل ما يبدأ يتعلق

أنا نفسي طويل ..
بغطس وبقبّ
بتساب بالليل ..
الصبح بحب
أنا قلبي أساساً «شقة إيجار»
ومحدث طول ف القعدة
كان كل ما يبدأ يتعلّق
بالناس .. الناس بتروح باعدة
طول عمره صريح ..
ومالوش ف اللفّ
ف الماضي جريح
ف الحاضر نخفّ
أنا قلبي بيعرف يقرا الكف ..
ويشوف الناس زي ما هي

كُلّ ما يفارق بني آدم
يتكلم عنه فـ أغنية!
كُلّ ما يبحاول يتقرب..
يندم علي كُـلّ محاولاته
مَيّت مع ناس عايشة لغيره
عائش على ذكرى لناس ماتوا!

كلنا بنقرر آخر الليل

الساعة ١٢ كُّل الناس

أوجاعها بتبدأ تتراكم

وشروخها تبان

الساعة ١٢ كُّل الناس

من غير ألوان

الأوضة تضلم

و عيونك قبل ما بتقفل

بتخونك

ويينزل دمعك

وحدش غير ربنا سامعك

و لاقى نهاية لأحزانك

ولا لاقى الصبر

و كأنك لو تسمع أقولك

ف بروفة لقبر

تفكير متزايد ف الماضي
عدّاد بيلف على الفاضي
كان نِفْسَك تطلع ايه
ولقيت
نفسك عمال تطلع
على تحت
فتّحت لقيت نفسك بتقول
أنا ليه فتّحت
الدنيا بسيطة هقولك إيه
كُلْنَا بنلف فـ دوايرها
كان نفسك هي تحبك ليه؟!
مع إنك متجاوز غيرها
الساعة ١٢ كُّلّ الناس
بتجيب مـ العالم ده آخرها
ولحد ما ياخذك
قطر النوم
و تقول فـ كلام مدهون سمنة
كُلْنَا بنقرر آخر الليل
والصبح بنرجع فـ كلامنا

مع إن البُن ثقيل

طول عمري بخاف أتساب..
فأتساب علشان انا خايف
أنا واحد عاش يستعمي..
أو أعمى بيعمل شايف
والناس تفاصيل وروتين
وروتين الناس تفاصيل
« الصُّبح.. وصوت الراديو
الوَحدة وآخر الليل »
أنا دمي خفيف بالفطرة
مع إن البُن ثقيل !!
كان نفسي أطلع بلّونة..
أو أكون كرسي فبلكونة
فعمارة تكون عد النيل
كان نفسي أطلع طيارة

طارت وانتقطع الخيط
كان نفسي أطلع ماطلعتش
ده لأنني طلعت عبيط !!
مش فاهم إن الدنيا..
عمرها ما بتدي لـ: «عايز»
كُلِّها طموحات وأماني
تتحط فـ خانة «جايز»
أنا عمري ما كنت السايب..
أو إسم فـ كشف الغايب
انا بلعب دور الطيب
اللي بيتصنف «خايب»

ما حدش

عن البنت اللي حبتّها وما حبتنيش
وجت غيرها وحبتني وما حبتّهاش
عن القسمة ونصيب والغيب
وكّل اللي اتكتب واتعاش
وكّل اتنين بيدّوا
لبعض وعد عشان
يحسوا بطعم أي أمان..
ويتمنوا الظروف تسمح..
يكونوا لبعض مهما ان كان
وتيجي الفرقة على سهوا
فبيقوا بعيد
وينسوا الوعد ويعيشوا
فحب جديد
ويدّوا وعود لناس تانية

وتيجي بعدها الدنيا
تفرّق بين جديد وقديم
محدث فينا قلبه سليم
محدث فينا مش موجوع
ومش كاتم ف عينه ذمّوع
وشايل همّ باستمرار..
محدث فينا مش مختار
ومش مغلوب..
محدث فينا فالآخر..
قدير يهرب من المكتوب

مش كان زمانك هنا..
بترتبي الدنيا اللي كركبها الرحيل
وتفكريني بيوم جميل..
وبماضي عمره ما اتنسى
ويتضحكي لي
كأني طفل الصبح رايح مدرسة
وبتكوي قُمصاني اللي كسرها الغياب
ويتفتحي للشمس تدخل كُل يوم
الصبح مش الشباك!
دلوقتي انتي هناك
مش كان زمانك هنا..
بتحطبي لسه الورد
فـ الفازة الإزاز
بتعلمني البرواز..

وبتعملي القهوة..
وبتقري فناجين العشم فـ الحلم
مش كان زمانك لسه جوة الفيلم؟!
مش قُلتِي هفضل طول حياتي معاك!
كان نفسي تَبقي هنا..
واختارتي تبقي هناك!

آن الأوان

أنا مش معاكي

ومش بعيد

وبرضه مش بين البنين

أنا مش في لمة

ومش وحيد

ولا جيت عشان جابني الحنين

أنا جيت عشان.. جوايا شيء

« إحساس غريب أنا ما اعرفوش »

آخر الطريق دايمًا طريق

فوق الوشوش دايمًا وشوش

الحب وهم.. وسهم صاب

مؤمن مصاب.. وانتني اختبار

ومفيش مفر من الوجد

ولا فيه اختيار

الناس كتار.. وانا مش بخاف
غير م الزحام..
قلبك رخام..
وانا قلبي خام
ما فهمش إنك هتسيبه
للحزن والخوف والشقا
لقيتي جبل المشنقة..
ونفختي دخان اللي فات
بهدوء فوش الذكريات
فيه حاجات كتير نقصت حاجات
آن الأوان أرتاح بقى..

وانا بارجع أقول كان على عيني

أنا وانتى اتنين
مساكين ماسكين
في ادين الحب اللى ما بينا
أنا وانتى صراع
وضياع وشراع
الريح زقاه سنة بسنة
أعمل أراجوز.. تعملى جمهور
وتعيشي الدور وتحبيني
ده لإن الخوف وسواس قهري
بيزود من حيرتى و سهري
وانا كل ما أقوم و أفرد ضهري
الدنيا بترجع تحنيني..
وانا بارجع أقول « كان على عيني »
هعملك إيه لو كحلك ساح

لو كان بإديا أرتاح هرتاح
لكن دي الحالة المعروضة
الحزن خلاص أصبح موضه
وانا كل ما أخاف بدخل أوضة
وأففلها وبنسى المفتاح

انا و انتى اتنين مجانين عايشين
على كوكب خالي من البهجة
العالم أصبح كله زحام
وكلام من غير صوت ولا لهجة
و انا كل اللي في أيدي إيديكي ..
تعملي مركبة .. هعمل غرقان
لو غاوية جنان انا أهو اتجننت
نهرب مـ الواقع نتخيل
ترجعي عيلة أرجع عيل
جوايا جدار لسه مميل
محتاج لعلاج على هيئة بنت
و انا عمري أساسًا ما اطمنت
خايف والخوف سلو العشاق

كلنا أحلام تحت الإنشاء
بنقرب أسرع ما اللازم
فنبعد علشان كان لازم
هتسيبي هسيب ليه بنتعازم
كده كده آخرتها هتبقى فراق

عائش وخلص

زعلان من شكك ليه دلوقت؟!..
إيه اللي اتغير فيك بالوقت..
دي ملاحك ولآ مرابتك دي..
كدبت على عينك وقت ما شُفت..
وإذا كنت صحيح ما اتغيرتش..
ليه لما لمحت ملاحك خفت..
ليه قلبك فجأة بدأ يسود..
ما بقتش تأمن حتى لحد..
وهزار الدنيا بيقلب جد..
كُل ما بتبص على مراية..
ليه حظك كثر فجأة فضعت..
ولقيت نفسك حبيت ودّعت..
وطلعت لفوق جداً ووقعت..
مكسور وكإنك كوابية!!

تليفونك ليه مابقاش بيرن؟!
كان عندك صاحب فين هو؟!
بقي عندك كام سنة من جوّة؟!
وكبرت ازاى بمرور الوقت
قلبك مجرور على نقالة
عجّزت كثير.. من غير تفسير
كُتر التفكير.. خلاك آلة
مش عارف حتى تحس بشيء
مش قادر تعرف إيه الفرق
بين طعم الضحك وطعم الضيق
وكإنك نايم بس مانامش
وكإنك فايق مش بيفوق
تفتكر الوضع هيتغير
لما انا وانت هنتقابل فوق؟!
فالسما لو تطلع تلقى هناك
ناس كانوا عايشين قبلك بسنين
ناس ليهم ياما زمان اشتقت؟!
أنا عايز أطلع فوق دلوقت
صدقني ف يوم كُننا طالعين !!

قضيت الليل بتروء حاجات ..
وتسيب للناس في كلام اوقات
وتدرك الازمان كلام عن الشات
يتخلص من فوضى
رقت كلام
وركا
بقول و طريق
بن باند ده كده نكزن مرجوح
ولأن ده جين في النبي آدمين
وعشان كلنا من نفس النوع
دي الحالة العامة لرُبُع الناس
والرُبُع الثاني بيتفرج ..
والرُبُع الثالث بيهتج
والرُبُع الرابع على عادته
عايش وخلاص !!

عارفة حمييتي لمشكلة كات إيه؟!؟

أنا وانتي بنحب المسافة..

أبعد تحبي تقربني..

وإن جيت أقرب

نفترق ونغيب..

وإن جيت أجرب أسيب أحن..

وإن جيت أجرب أحن

أسيب..

كُل اللي فات

شماعة من قسمة ونصيب..

علّقنا روحنا عليها ليه؟!؟

كُلّ اما افكّر أفكّر..

كُلّ اما بفتكرك بخاف

ريجتك ما بتسيبش المكان
صوتك معلّم ف الحيطان
حبك سؤال ماهوش إجابة محدّدة!
هو انتي ليه وإزاي كده!!؟

عادة

الشوارع والأغاني
والأماكن والوشوش..
انتي والخوف والكلام..
اللي لسه ماقولتيهوش..
سين وصاد طرفين معادلة..
حلفوا يومها مايتساووش..
سين بحبك صاد مشاعرك..
حُبي زايد ليه وحبك..
ليا ينقص كُل مَادَى..
زي مايكون قهوة دايمًا..
كُل ما بسكَّرها سادة..
زي مايكون أَلْف مشهد
ملّوا بعض من الإعادة



حُب من غير أي حاجة
نحسها ونعرف نعيش
-حُب مات فعلا لأنه
حُب واتحول لعادة

ماتعتذريش

ماتعتذريش..

لا حُبك آخر الدنيا..

ولا وجودك سبب حياة

أنا فـ «مأساة»

بحاول أجمل المشهد

و أمثل إني مش مهزوز

« شبح أراجوز»

مرگب وِش على وِشه

عشان مايبانش إيه جواه

لا هسحت اهتمام تاني..

ولا هطلب حنان لله

أنا كويس.. كده أحسن

ومش هنكر ساعات بحزن

وأحزنّ لكنمة متقانة..

وذكرى وصوره ورسالة

فما تحاوليشر تكوني ضحية

فالقصة..

وإوعي تصدقي الحالة

ده زي ما فيه بنات اتكسروا بسببنا

فياما بنات كثير حاولوا ونجحوا

فكسر رجالة

وياما بشوف من الدنيا

حاجات أغرب من السيا

وربك برضه ليه حكمة

وليه حسبة وتقسيمة

وانا اللي مشيت وانا مآمن

وسببت مشاعري واطمنت

نسيت إن البلاء وارد

وقد يأتي فدهيئة «بنت»

أنا يا حبييتي مش

وقلبي لازا..
يعوّر لما يتكسّر
ماتتخدعيش ف كاء ضحكك
بخبي الحزن جواه
ده لو بصيتي جوانيا
هتلقني الحزن متفسّر
و تلقني الجرح ساب فياً
علامة الوقت مامسحهاش
ومامسحكيش
ماتعذررش!
ماتعذررش..
وصلّي جنازتي ويّاهم..
قصاد القبلة حُطي الدبلة وادعيلي
وقولي كان مريض وارتاح
كفايه نواح..
على القلب اللي شافك ورد
ف وطيّ جل ما يشمك
قتلتي قتيل؟! .. وإيه يعني

فداكي .. خلاص ولا يهملك

مسير اللي أتكسر

يتنمّ .. مسير اللي اتقتل هيعيش

ما تعتذريش ..

ساعات الاعتذار بيهين

ويجرح قبل ما يداوي ..

سلامك كُلّها تعابين ..

وانا ما اعرفش أكون حاوي ..

يا حبل اترفّ بالتدريج

على رقبتني

وانا من طيبتني سببت الحبل عد الغارب

بنبعد مهما نتقارب ..

وأشوفك غلطة وأستمع

بطعم الغلطة فبعيدك ..

يشاء ربك .. يان الطيب الغلبان

يبطل طيبة على إيدك ..

براءتك..

شكل من برة

ديكور بيداري سوء طبعك

وانا ما أقبلش أكون تابع

وخاتم تلبسيه ف صابعك

أنا راجل.. وليا كرامة لو راحت

حياتي تروح

وبابي لا عاد لا متوارب ولا مفتوح

ومهما تحني وتنادي

خلاص باب الرجوع اتسد

بكييت بعد الفراق؟!.. عادي

بكييت على نفسي مش على حد

ماعادش ما بينا شيء فاضل

عشان نرجع نقول يا حنين

ده لو نزلت دموع راجل

ينضرب الوجع ف اتنين

مفيش راجل ما بيعيطش لو فارق

الفكرة بس إن احنا بنهخيبي

ما اعرفش ببكي عليكى ليه وازاي

ما اعرفش ليه وعلى إيه بتتحبي
يوماتي ع الله بسأل نفسي ..
ليه انتي؟!
وليه بالذات
وكان فين قلبي وأنا مسحوب
لتيارك
وكان فين عقلي وأنا بغلظ
وبختارك
وداخل جنتك عشان ..
أتاري جنتك .. نارك
ماخدتش بالي إنك «وهم»
مشيت عكس اتجاه السهم
و قلبي اتدل واتعلق
بأكثر جبل كان دايب
أنا اللي اتسببت طول الوقت
عشان مارضتتش أكون سايب
رضيت أطلع ف حدوتك
بدور الحاضر الغايب
وأحبك من طرف تايه

وراكب قَطْر مايمشيش
ماتعتذريش .. عشان والله مش فاهمك
ومش قادر أحدد موقفك بالضبط ..
براجع كَلّ تفصيلة ..
مفيش ف القصة حلقة ربط ..
مفيش حبكة .. مفيش ربكة
مفيش ف القصة دمعة عين
ورعشة إيد .. وقبضة قلب أو قهره
أکید فيه حاجة مش ظاهرة
تعالی نبص ع المشهد ..
نراجعہ من الألف للياء ..
نشوف مين فينا كان مشتاق
ومين قهر .. ومين اهتم
ومين نايم بكُلّ برود
ومين سهران يعيط دم
أکید حُبك مهم .. أکید
لكن يعني كرامتي أهم
ف كان من حقي أقول همشي ..
وأقول سبتك لكُلّ الناس

وانا كذاب ..
صحيح سبتك أنا لكن
تسبب ..
أن المتساب بافعالك ..
اهمالك ..
واحسسي إني في حياتك
بمجرد طيف ..
وساكن جوّة منك ضيف
لا ليّاً حقوق ولا كرامة
وعايش بس من غير صوت
وطول الوقت بتذلل
وبشحت كلمتين حلوين
فآخر اليوم ..
عشان أعرف أنا ميسوط
بقول سبتك لكل الناس
وبرضي غروري وسطهم ..
وانا جوايا نار قايدة
« مفيش فايدة .. »
بكابر قدّ ما بكابر

وقلبي من الحنين مفضوح
قريب وغريب.. يبصر ف عيني
فيشوفك بكُلّ وضوح..
ولسه انا تحت تأثيرك..
ومش شايف بنات غيرك
لكن أصبحت مابشوفكيش
ماعتذريش

و ف الآخر

يجوز أقبالها بالصدفة
تعدي عليا تحبط كتفي
ماعر فهاش
أقور: آسف
تقول هي
« مفيش داعي »

يجوز أقبالها ف المترو
وانا مخلف
وماسك بنتي ف إديا
وابني ينام على دراعي

يجوز أقبالها و ف إيدي
إيدين تانية

أبص ف عينها كام ثانية..

وأتلفت

مجرد نظرة معناها

«خلاص كل الجراح خفت»

نهايه جميلة مُرضية

مناسبة لكافة الأطراف

هنعمل إيه

ما دمنا ضعاف

وملناش حيلة ف قلوبنا

وملناش يد في الترتيب

وكله نصيب

إدينا تسيب ..

و نتفرق

و نعرف ناس جداد ونعيش

مفيش حدوتة نهايتها

هتبقى «مفيش»

أكيد في كماله للموضوع

أكيد فيه حد هيقابلك

و هيعيشلك

بدون ما يكون ورا الموضوع
سبب مبني اللي بينكوا عليه
و هتتعجز
وإيدك ماسكة نفس إديه
نهاية بسيطة و عادية
لفيلم الكل عاش جواه
وتتر نهايته بيقولك
فيه قسمة
فيه نصيب و حياة

شكر خاص

لرباعي خط ظهر العمر:

عادل صقر

الفهرس

١١.....	(١).....
١٣.....	نزوير في مشاعر رسمية.....
١٩.....	لو زي ما بتقول: حبيتها.....
٢٢.....	ملخص كل ليلة.....
٢٤.....	لآخر يوم.....
٢٧.....	كان يا ما كان.....
٣٢.....	أمل دايب.....
٣٧.....	التفافه.....
٣٩.....	صاحب جدع.....
٤١.....	سنة علي سنة.....
٤٣.....	كنت مراية.....
٤٥.....	حتى لو مش حابة تتحبي.....
٤٧.....	حُب الحياة.....
٥١.....	كأنه حجاب ومعموي.....
٥٤.....	بحطة إيدك.....
٥٧.....	(٢).....
٦١.....	مكانتش فُطة مغمضة.....
٦٧.....	نصيب.....
٦٩.....	جاين الدنيا نلف.....
٧٢.....	أنا بنته.....
٧٤.....	أنا طفلك.....
٧٧.....	علشان فتحت.....
٧٩.....	حبيتي فلانة.....

بن في رحمة

خودك

كان^{١٤} وجود قدا

عربي.....

ي واش.....

والص

أصحاب ..

أصون النون.....

١١١..... بنبي آدم على هيئة ذكرى.

١١٤..... كان كل ما يبدأ يتعلق.....

١١٦..... كلنا بتقرر آخر الليل.....

١١٨..... مع إن الين ثقيل.....

١٢٠..... ماحدث.....

١٢٢..... هناك.....

١٢٤..... آن الأوان.....

١٢٦..... وأنا برجع أقول كان على عيني.....

١٢٩..... عايش وخلص.....

١٣٢..... عارفة.....

١٣٤..... عادة.....

١٣٦..... ماتعتدريش.....

١٤٥..... و ف الآخر.....

١٤٩..... شكر خاص.....

لتحميل مزيد من الكتب الحصرية
زور موقع فور ريد
www.4read.net

